

# VAR SAO, BREIZIZ!

War don :

Da feiz hon Tadou koz, ni paotred Breiz-Izel,

Ni zalc'ho mat atao :

'Vit feiz hon Tadou koz, hag en-dro d'he banniel,

Ni holl en em stardo.

Feiz karet hon Tadou, morse ni ho nac'ho,

Kentoc'h ni a varvo (ter).

1

Keit ha ma lugerno e bolz uhel an nenvou,

Ar stered hag al loar hag ar heol benniguet,

Ni a gerzo divrall gant hent ar gourc'hemennou

Hag a vevo dalc'hmat 'vel gwir gatoliket.

2

Keit ha ma vezo mor da luskellat Breiz Izel,

Da floura hec'h aochou, da boket d'e reier,

Kristenien e chomimp, en despet d'an holl vrezel

A ray d'eomp an dud fall, marchadourien geier.

3

Keit ha ma redo dour en hor steriou dudius

Ha ma kano er c'harz al labourdigou,

Ni 'redo kalonek war roudou santel Jezuz

Hag a gano d'ezan hor c'haera kantigou.

4

Keit ha ma savo brug war gribein hor menezioù

Ha ma tougo al lann bokedou alaouret,

Morse ne droimp kein da feiz karet hon Tadou :

Ni 'zo'eus ar ouenn dud o deus pennou kalet !

## 5

An dero bras o stourm ouz an avel kounnaret  
 A dorr kent 'get plega, hep chal gant ar maro,  
 'Vel-se ni 'zalc'ho penn d'ar bed ha d'an drouk-spered  
 Ha ne blegimp biken, kentoc'h ni a dorro !

## 6

An ilio rodellet en-dro da c'har ar wezenn,  
 Daoust d'an amzer diroll a chom stag mat ato ;  
 'Vel-se cuzoc'h, Jezuz, en em stardomp da-viken  
 Ha diouz ho karantez netra n'hon distago.

## 7

Ni a vo kristenien, neket hepken dra gomzou,  
 Met dre an oberou skulilet en hor buhez :  
 Pedenn hag oferenn, vijil ha sakramanchou...  
 Ni 'heulio penn-da-benn gwenojenn ar furnez.

## 8

Kenavo evit mat d'an holl c'hoarioù noazus,  
 D'an dansou miliget, a zaon mil ha mil den !  
 Na glaskomp ket plijout de Satan ha da Jezuz.  
 Ne c'hellomp servija nemet eur mestr hepken.

## 9

Ni 'zo Bretoned yac'h, dispont e giz hon Tadou ;  
 Birmi a ra ennomp kalon ar gwir soudard.  
 Eur Breizad hag a dro da heul ar fals-kredennou,  
 N'eo ket eur gwir Vreizard n'eo nemet eun trubard !

## 10

Mez eta d'ar c'hrener, d'an trubard ha d'an nac'her !  
 Ne deus war an douar netra ken, divalo.  
 Ni a chomo bodet dindan banniel Hor Salver,  
 Atao a-du gantan, er vuhez, er maro !

Mat da veza moulet

Kemper, ar 1<sup>a</sup> viz Gwengolo 1929

P. MESSEGER, vikel-vras.